

鄆州志

官



鄜州志序

上古以九州之志爲九丘丘

者聚也謂聚一方之山川風

土竒行美蹟於其內以謹封

守以察時變以昭勸戒也志



固從來尙矣酈志久湮缺典
殊甚嘉禾顧守方內以蠶桂
內擢計部討故實而編輯之
郡任子于嶠實共事焉帙成
以告余曰善哉其舉也非達
於政治之源者不及此矣余
備員河西職膺駐酈欲觀酈
之風土民俗而無所證也以
諏耆耆舊不無遺聽焉欲觀政
治之得失地方之利病而無

所稽也以詢道路不無遁情
焉欲觀山川之形勝疆域之
廣袤名碩潛德善言懿行而
無所裁也以陟高山入林麓
谷野老不無遺歷焉文獻未
足徵正無從志固不亟重歟
今觀此書秩然其有倫也錯
然其有章也愨然傳信不以
飾美而夸勝也天所以覆物
物之父也地所以載物物之

母也首列輿圖先之以天文
繼之以地理重其所生也詳
之以建置安其處也括之以
田賦順其利也臚之以秩官
考其政也叅之以人物表其

德也廣之以祠宇通之以災
祥綜之以藝文詳其事也此
豈獨爲一鄜之書哉夫列之
以天文地理以備修省以察
險易而敷施有道矣詳之以

序
建置以爲城郭以爲居室而
民義以立矣括之以田賦以
重食貨以安耕鑿而民生以
遂矣臚之以秩官以景高山
以標周行而利弊以分矣叅

之以人物見善而遷入閭而
式而教化以行矣廣之以祠
宇通之以災祥綜之以藝文
以正道術以省疾苦以資察
識而酌古徵今無不盡其變

亭
五

矣此豈獨爲一鄜之書哉以
之治鄜而鄜治以之治諸郡
邑而無不可以治也以之治
鄜而鄜治以之治天下九州
而無不可以治也何也法令

政治之體也風化政治之源
也文獻風化之本也未有勸
戒昭而風化不樹者未有風
化樹而政治不行者管夫子
聽武城之絃歌而愛人易使

之說翕然學道益喜其達于
政治之源也是後也借紀述
以爲絃歌山高水長化行俗
美異日者採風問紀輶軒載
觀則此書亦可以贊我

國家治教休明之運于萬斯年
共賡悠久余故曰不獨爲一
廊之書也

康熙五年歲次丙午陽月上

浣日

賜進士出身分巡河西道陝西

按察司副使鮑開茂撰



鄜州志序

余嘗流覽禹貢涉獵圖經及咏歌
十五國之篇什而知天下山川不
一致疆域不同軌則壤有異宜賦
役有殊等在體國經野問俗采風

者誠未可踈畧以貽窺管之譏也
是故代必有史方必有志所以示
推移表建置存文獻備攷求近識
變遷興廢之微遠垂肇造規恢之
畧且以振殘救敝設險分畿弘制

度而覈司存立典章而籌食貨是
州邑紀載之微文實資邦國纂修
之大要故孔子刪詩不遺列國鄩
侯入關止收畱籍良以習尙未宜
偏廢世蹟未可湮泯也然則方州

之志所關不恭鉅且重歟每稽廊
轄延郡上應東井古屬西雍自春
秋而後拓歸內版歷秦而漢而唐
而宋莫不稱河朔重藩地實阨阨
五路控領三秦猶號衝劇其間烜

命
塵亭毒城社紛更雖盛衰隆替今
咎無常而人文典秩掌故多傳豈
可以數十年兵戈雲漢之餘梨棗
飄零監門難繪遂使一方民物土
風共山榛塞草終於蕪沒也耶余

於乙巳秋奉章...

命守延及入境睹闐闐之荒涼傷蒼

黔之寥寂計供納之艱難在今日

車書塞宇中俱不僮見不勝駭然

悲復愴然念即欲謀教養於生聚

拯深熱於綏和而四顧蕭條百度

叢墮初無措手爰思搜求舊乘詳

定新編庶幾藉以因時制宜興利

除弊於諮詢民瘼昭宣政治之道

不無小補而一載以來方棘心於

廵荒招墾之煩鞅掌於匱絀征輸
之令焦勞旁午寢處未遑故採輯
雖具其條目尙覲縷未備乎成模
廵州守顧君已先獲我心鄜志刻
期報竣矣夫顧君以博雅之才借

盤錯之任不立威嚴而吏民自惕
不聞拮据而庶務畢興非其所蓄
者宏而所施者裕耶治鄜幾閱七
載旣已教化洽臻亦自情形稔悉
故州志一書淹貫瞻核莫不綱舉

目張若沿革詳而知古今之變田
賦備而驗井里之登志物產則不
遺乎地利志郵傳則軫恤於疲殘
官師宦秩傳而表儀丕著矣遺事
藝文具而編簡聿光矣訛無不正
闕靡不補質不失野文不近華志
也而實史矣前此之淪胥山水板
蕩禽花咸登琬琰後此之扶衰補
缺升墜承流漸藉舉修所謂于鱗
之於濟南獻吉之於慶陽抑何足

尚乎書甫成而顧君且以版曹卽
膺衆望承流博辭舉於西國于維
內召矣則是志吉光片羽又非異
日訐謨遠畧之徵耶余政學不敏
無能傍贊一辭謹弁數言以識岩

疆司牧之苦心以勉示於來茲云
爾

康熙歲次丙午葭月之朔

中憲大夫知延安府事三韓王廷
弼撰

通鑑



中憲大夫

東鄉

爾

靈何

鄜州志序

志如乘所以云載也亦如鑑所以

云勸懲也乃其體昉于八表十書

之史而作者不一其人工拙殊焉

知罪判焉徃徃迹古則易攷今為

難非所見之難于所聞所聞之難
于所傳聞也以

聖師尼父之春秋定哀之間多微
辭是故旁引曲喻則不直激切剴
亮則傷厚且以志之比于藥石也

疾病必攻療治各異志無適于用
無益于治裨矣吾不欲觀之矣然
則沿舊難于博摭作新難於諧時
天下之志皆爾况一郡之細欲兼
三長乎予李翟秦往來鄜時諮諏

州人惟是地方利害戶口盈縮風俗隆污政事因革人文衰盛與廊守其勉于夙夜至於古蹟不皇遊覽山川不皇吟咏顧大夫以廊志見諭且求爲序周覽卒業益不勝

星土地形之感焉延之爲州者三綏德在北葭州在東實爲重地金明之屏障也廊則腹矣亦三輔之屏障也刺史專城其任不輕又以憲使駐節于其中州之屬邑三山

川繡錯道塗絡繹望橋陵挹壺口
唐有子美之跡宋存經略之事凡
詞人之品藻名臣之猷略鄜州雖
一區可以觀矣顧大夫以東南名
家政舉循晁于其暇日作爲此書

其有禪于廊者多矣予不爲序序
之曰昔者

師尼父之爲春秋也弟子求七十
二國寶書尙書最古子不師其體
也一本魯史編年爲之鄜志亦寶

書也顧大夫之作將爲聖門之所
采擇後之讀者其以予言爲然乎
康熙五年歲次丙午仲冬吉旦

賜進士出身延安府推官劉翊聖撰



序

刺史顧公之蒞我鄜也簡賦均役
平刑申教葺敝興廢久之荒者闢
焉流者聚焉獄訟息焉墉峻隍濬
社脩祠舉樓觀翳如缺者完焉又

久之士禮民厚工賈坐肆盜背其
境教化行焉廼敢同人作州志溯
沿革以記興亡列山川以標形勝
稽土田戶口以正稅闡幽顯徵旌
善揚德以勵風化次之城郭橋梁

百度脩也終之文藝徵考備也君
子謂顧公善爲政夫志類乎史載
乎風而通於政分例屬事躋邇信
遠非史之流乎貞淫形諸詩奢儉
視其俗可以觀風焉一於信斷於

義率於禮治成制定衆志大同然
後法立而可久蓋治莫大於同民
同民莫急於厚生生不植則教不
著教不著則民離離則乖離且乖
焉訓弗行也是故有政斯有民有

民斯有志且志之作以善政遺之
後人者也曹叅守蕭何之法畫一
而治夫前者後之師也法者治之
則也無前何法無法何因此志之
所以不可少也鄜故有志燼於兵

火將百年者舊凋殘文無徵焉守
是邦者履境考俗罔攄也公爲是
書條利弊陳得失他日欲較賦役
則問田土戶口欲興禮讓則問風
俗議舉廢則先其大者則是書也

固簡賦均役平刑申教葺敝興廢
之懿則也謂非通於政邪夫不自
政而謀人政者昧也有政而秘不
以公諸人者私也二蔽去而六懿
彰故君子謂顧公善爲政志八卷

數閱月而成是年也會公晉戶部
員外郎將行則謂楊子曰史之義
示鑒垂戒予豈敢哉亦將於此觀
風焉爾楊子則曰此所謂以善政
遺之後人者也

康熙五年歲次丙午應鐘穀旦
賜進士出身四川川北道叅議前四
川道監察御史楊素蘊撰



序

鄜志修自故明萬曆甲申爲郡先

達中丞王公訂定前守閻實叅較

之距今八十三載爾時洛中宜三

邑亦合而志焉然兵燹之餘散軼

多半矣

耿臣

蒞鄜之二年歲維庚

子半
方伯孟津陳公先中丞公曾令洛
邑洛之人尸祝者久廣舊編以記
遺愛遂先州志而告成耿臣亦集
州紳士而語之曰洛志矣鄙何待
邪有教耿臣者曰城池尙爾圯也

井幹尙爾墟也公署廟學尙爾荆
榛也暇爲此乎耿臣唯唯越數載
年漸豐人民漸聚向之廢者亦稍
稍以舉矣毀者亦稍稍以理矣
各上臺加惠元元政平人和百廢
具興取舊志而編輯之正其時也

乃請命於

上臺以屬之任子于嶠朝訂夕証
殫力竭神考之殘志而不得者或
訪之耄耄而得焉訪之耄耄而不
得者或索之碑石証之別籍而得
焉實者取之僞者黜之疑者辯之

事關三邑者姑闕之列爲八卷析
爲六十四條每條之下詳爲紀述
亦如綱目大書小書之義是役也
剗剔之費耿臣捐俸以倡而薦紳

齊君大岳陳君王猷惠君光先咸
樂爲襄事諸生齊子國侯楊子蔭

階較錄與有勞焉始於丙午之春
至仲冬而竣役任子問序於耿臣
耿臣曰斯志之有關於政治有裨
於風教曰大書小書之錄其
各上臺錫以弁言亦旣剴切詳明
光榮全乘矣又何贅哉惟是中丞

公修葺以來閱八十餘年不爲不
久任子積一歲之功廣蒐博採不
爲不詳而邊鄙荒殘文獻無考猶
有缺略之憾則踵事增華寧不藉
於後賢邪鄙人士沐

本朝休養深恩旣渥且厚固已家絃

本

誦而戶舍鼓矣將見荒蕪之日墾也生齒之日繁也名臣良士行可法而言可傳也嗣此生斯土者與官斯土者因茲簡編益所未備以山川風俗之書為潤色鴻業之助耿臣不敏竊有厚望爾

康熙五年歲次丙午仲冬吉旦延

安府鄆州知州顧耿臣謹撰



序

州守顧公視吾州已七稔於州之政事不啻
主伯之諳家務於州之人民不啻父母之識
子若孫凡城郭公署廟學廬舍久廢而未舉
者以舉久墟而未興者以興靡不更始維新
也念州志久湮盡然者久今歲王月以請於
憲臺鮑公毅然舉脩以其事屬嶠持簡而命

曰子亦知夫志之所以為志乎志者記也記者信之成也存真而除訛崇實而黜誣內之可以信於心外之可以信於人斯有貴於志也曖昧而周章違心而乖義內之不可以信於心外之不可以信於人亦無貴於志也嶠奉命唯唯退而有懼心焉謂茲記述大典風教所關繼往開來貴有攸歸非謏陋如嶠者

可以僭擬辭之而不得為之而未能經涉旬月不敢措手於是考風土於耆舊稽遺事於典籍核名實於庠彥詢是非於野史復與齊子國侯楊子蔭階輩以摺以撫以訂以叅寧真而無敢偽也寧簡而無敢濫也慎之又慎然後裁度而次第焉山川古蹟有傳說也不証之記載者不敢書井幹田廬墟而重新也

不經於目覩者不敢書最績碩德有著聞也
不孚於公論者不敢書孝義節烈有定品也
不察其心跡者不敢書詩文記傳以繫人繫
事也不關於勸戒者不敢書草就以上之公
公曰可矣而猶未也乃細為郢正去其舛戾
正其條理務期無愧於初心既猶未以為然
仍以授嶠再為詳攷每成一帙即以一帙續呈

憲臺更為斟酌刪定以臻於至當然後以之
授梓也嶠於是而始知事之興廢皆有其時
非偶然也自中丞王公編志以至於今計八
十餘年灰燼之餘僅存二冊尤漫滅而不成
章亦茲書存亡絕續之關也若此時無此舉
脩將見二冊亦不日淪沒八十年以前者無
所考八十年以後者未之紀愈久而愈忘是



鄜志終無舉脩之日也


憲公守公負禮樂文物之望大訓俗型方
之猷舉茲不容不舉之事尤舉於不容不舉
之日八十年泯泯者一朝而明備豈非時耶
然則讀是書者當有以識二公之用心可也

郡貢生任于嶠謹書



鄜州城州
境坐圖





州境四面皆高山深谷也三川至城
五十里已而皆高山深谷也三川至城
不匯于流其河繞城東南南經南七十
里又分三川其河由西來二河繞城不
同其形皆如州城至交口而合焉

鄜州志目錄

卷之一

輿地志

星野

山川

卷之二

建置志

城池

武備

沿革

古蹟

公署

牌坊

疆域

風俗

壇壝

街廂

形勝

學校

市集

驛舖 橋渡 恤政 河功

卷之三 公署 學

田賦志

地糧 戶口 起運 存留

課程 地稅 匠價 鹽法

市稅 里甲 村寨 物產

典 卷之四

秩官志

名宦 憲職 知州 同知

州判 吏目 學正 訓導

營將

卷之五

人物志

鄉賢 封錫 甲科 鄉科

人材 貢士 恩貢 例貢

將帥 武科 孝義 節烈

卷之六

祠宇志

廟州志
目錄
祠廟 寺院

卷之七

記異志

仙釋 災祥

卷之八

藝文志

詩 賦 傳 議

說 奏 疏 碑 記 序

目錄終

修志姓氏

鑒定

分巡河西道副使鮑開茂

延安府知府王廷弼

延安府推官劉翊聖

編閱

鄜州知州顧耿臣

彙纂

鄜州貢生任于嶠

較正

鄆州同知王國禮

儒學學正汪坎

州紳齊大岳

惠光先

陳王猷

舉人齊國佺

州學生齊國僕

楊蔭階

鄆州志卷之一

輿地志

先王畫九州為千七百七十三國職方氏

掌邦土保章氏司分野大司徒以土地之

圖周知廣輪之數度山林川澤丘陵原隰

畫險易之勢因地而制宜地理不同設施

亦異固未可概論也後世封建易而郡縣

矣土地雖歸一王疆域仍各區別其交錯

而相制者乃表裏而相維者也鄆為秦雍

上游自秦漢以來或爲郡焉或爲州焉或爲鎮焉或爲軍焉沿革而不一者地之名也襟山而帶河者地之勢也北枕榆塞西跨羗寧南俯三輔東達晉陽噤喉衝要自古爲然地亦猶宅舍也宅舍有堂與必有牖戶地亦有堂與牖戶也詩不云乎徹彼桑土綢繆牖戶蓋在未陰雨之日也撰輿

地志

郡人任于嶠

舊志郡人王邦俊曰余覽山川求所謂高奴故都若沒若滅漢唐而下若亡若存陵

谷世事之變不可知已余記其可考者焉秦漢之時置上郡而隸士強兵盡在西北以威天下蓋亦其地之所鍾授焉明興疆土洪拓鄜屬塞地然而北控榆林西達寧固南屏關內東達晉陽屹然一都會也脫有故其地必爭然而戒於未然非過計也余考列疆宇作輿地志

星野

鄜地應井鬼之分鶉首之次

按周禮保章氏以星土辨九州之地所封封域皆有分星以觀妖祥星土據北斗而言分星據十二次二十八宿而言鄜地在

禹貢爲雍州北域雍州秦地史記天官書
曰東井輿鬼雍州之分野
漢書天文志曰自井十度至柳三度謂之
鶉首之次秦之分也

清類天文志曰東井輿鬼爲鶉首之次於
辰在未自井九度至柳三度屬秦分雍州
山堂考索云鶉首秦也唐釋人一行曰天
下山河之象存乎兩戒秦據百川上流得
兩戒山河之首故爲鶉首

沿革

邠在禹貢爲雍州之域春秋爲白翟秦屬上
郡漢屬左馮翊後漢屬上郡晉置杏城鎮後
魏初置東秦州改北華州周爲邠州隋置邠
城郡唐爲邠州天寶初改洛交郡後置保大
軍節度乾元初仍爲邠州宋置康定軍金因
之元初復爲邠州明爲邠州

皇清仍爲邠州領邑三洛川中部宜君

按漢書班固地理志左馮翊有縣二十四

曰高陵曰櫟陽曰翟道曰池陽曰夏陽曰
衙曰粟邑曰谷口曰蓮勺曰頻陽曰臨晉
曰重泉曰郃陽曰祋初曰武城曰沈陽曰
懷德曰徵曰雲陵曰萬年曰長陵曰陽陵
曰雲陽曰鄜

索隱曰鄜地名後爲縣屬馮翊秦文公夢
黃蛇止於鄜衍因作時以祀白帝鄜之名
由此而因也

疆域

鄜州東西廣二百里南北袤一百三十里東
北至

京師二千五百里 南至省城五百五十里

北至延安府一百八十里

北接甘泉界四十五里至甘泉縣九十里

南接中部界八十五里至中部縣一百四十

里東接洛川界三十里至洛川縣六十里

西接慶陽府合水界一百七十里至合水縣

二百九十里 東北接宜川界九十里至宜

川縣一百八十里西北接安塞界一百五十里至安塞縣二百二十里西北又接保安界二百里至保安縣三百五十里

形勝

四山雄峙西山壁立千仞山之巔雉堞連雲即為山城東山龍繞虎踞南北山

蒼翠望之洛河川自北而南注順三川紆迴東山之麓抱城而流至

常有雲氣城南五里東折牛武川自東北注之採銅川自西北注之俱至城北門外入於洛被

山帶河五路咽喉連西夏而控延朔膺黃河而屏華嶽居三秦上游為北門鎖鑰

山川

龜山山形如龜在州西

高奴山按史記項王封董翳為翟王都高奴在城南一里

櫻桃山舊產櫻桃在城南三里

壽峯山形如壽星老人在州西南一百二十里

小山取淮南叢桂之義在州西一百五十里御史鄭本立有詩見藝文

鳳凰山

開元坡州北關西山唐帝莊有詩云開元坡下日初斜拜掃歸來走佃車

龍尾坡山蜿蜒猶龍在州東十里

大奇原

州西二十里

楊圈原

州西三十里

柳池原

州西五十里以上西原

相里原

州南二十里

四仙原

州南七十里以上南原

交道原

州東二十里

儒子原

州東三十里以上東原

郝家原

州北三十里

趙家原

州北五十里以上北原

河上源

州西二百里山有石洞知州潘愚刻天險二字御史鄭本立有詩見藝文

太回嶺

城南十里

梅柯嶺

城西北三十里即杜甫遊春故地提學唐龍有詩見藝文

子午嶺

州西二百里提學唐龍監軍道劉三顧俱有詩見藝文

洛河

州城東北其源出古洛源縣經流城下時時為患

牛武川

水自牛武城東來入於洛

採銅川

其地產自然銅水東注入洛

三川

州南七十里以華池水黑源水洛水同會故曰三川唐杜甫有詩見藝文

餘樂川

州西南八十里

直羅川

水自直羅而南注於華池

火燭溝

州西南百步

丘家溝

州人御史丘野所居因以名焉水西來入洛在州西北三里

沙飛溝

州南十里

會道溝

州南八十里

王女泉

出龜山下金文微有詩見藝文

溫泉

城東一里其水冬温

聖佛谷

城東一里金文微有詩見藝文

蓮花池

州西北五里舊多蓮花

葦谷

州南五里今名葦子溝唐鄭王有詩見藝文

靈湫

州西北十五里祈雨多應

落雲石

州北十里陳裴即中有銘就下而安臨流而潔屹然無倚萬夫之傑

龍湫

離城七十里有巨湫周回數里多蒲葦人傳龍嘗在其下

天石崖

州西一百二十里即中陳裴題飛翠流紅提學井濟題堆瓊漱玉皆大書

刻崖

廊所領宜君與同官接壤由同官神水峽

而上歷中洛二邑一望無平衍地由廊而

上西至靖邊安定東至榆林黃甫川皆山

谷澗壑險阻鄙隘不獨一廊為然也夫地

理險阻不軌之徒易藪道路鄙隘則舟車

不至而貨利難通時平苦於貧時危苦於

兵徃徃然也乘昇平之日為富庶之圖苞

桑上計哉

古蹟

高奴城

在城南一里項羽封董翳為翟王都高奴今東山有城址亦云高奴城

長城

在城西南四里有遺址秦將蒙恬所築

鄜舊稱高奴故都也在秦屬上郡高帝元

年更為翟國按地理志上郡為縣二十三

曰膚施曰雕陰曰高奴即此

牛武城

在城東北四十里董翳遣步將築城練兵蓄牛以備戰用因號為牛武城

直羅廢縣

州西一百里隋崔仲方所築謂其枕羅原川故曰直羅

三川廢縣

州南七十里本符秦長城縣後魏改三川縣

杜甫宅

在三川唐開元間避祿山之亂挈家居此石上有對云長天夜散千山月

遠水震收

萬里雲

羗村駱駝巷

城西北三十里杜甫遊梅柯嶺遂寄居焉有詩見藝文

九成宮

城西二百里即隋之仁壽宮

保大樓

即譙樓周置保大軍節度故名

樂心亭

城東五里塵王亭城北一里

監軍臺

城南五里尉遲敬德演武處

四仙臺

城南七十里為棋盤嶺中有棋臺石局古仙人圍棋於此

馬尾崖

州西南一百二十里世傳唐太宗出征至此暫憇有馬尾倚山遺跡故名

馬慥墓城西北十里古各將或云馬援之後與賊將孫綽僧戰沒碑雖剝落尚存

仰山西墅在龜山下郡人叅政宋公宜別業

黑鷹崖城東二十里舊多黑鷹棲於岩人傳唐太宗過見而射之矢跡猶存

聖人條從山嶺脩成大路可竝行二三兩車遇險阻則轉折蜿蜒通去自西塞外

磨劍崖城西一百里唐太宗征討至此磨劍崖上磨痕猶存

花園庄州北四十里產牡丹唐杜甫遊春之處

風俗

尚氣槩先勇力有強毅果敢之資無矯情浮

靡之習詩傳勤稼穡尚鬼神以夏月遊賞為

重俱圖經仕尚勇退而賤乾沒民懷法守正

寡器訟地僻土瘠男拙於服賈女慵於績紡

而婚喪儉朴有古先王之遺風焉舊志

按舊志謂勤稼穡尚鬼神以夏月遊賞為

重今鄜俗日朴未見以遊賞為重也

舊志男拙於服賈女慵於績紡今鄜婦女

多織紡者乃自兵燹後貧不能買衣相效

而為之為布不能多祇以自蔽其體不惟

不能出鄜境且不能出村落也大都業農者十之九工賈十之一

古者萬國分封此疆爾界各世其爵各治其國政教不無或殊風俗亦不無或異故王者命輶軒採風貢俗以周知天下之習尚迨封建易而郡縣天下一家四海同風矣取一郡邑之風而志孰爲醇孰爲澆何異酌滄海之水而辨孰爲涇孰爲渭乎雖然亦有不能盡同者矣瘠土之民勞沃土

之民淫潭國之民弱山國之民強禮記王制曰廣谷大川異制民生其間者異俗又曰修其教不易其俗齊其政不易其宜然則風俗之不無或殊未必不由於地由於習而山川之鍾授政教之得失可以覘焉故採述舊志復質以近時之所見而約畧言之至若歲時所行典禮所載凡爲一王之制四海攸同者不敢勦載以爲吾州志

廣州志
卷之八



一卷終

凡... 國... 人... 所... 始... 始... 始...



馬

